

Date – 25/01/2025

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Vawiin National Voters Day khan Larsap Gen Vk Singh-an Mizoram mipui vote nei thei tawh phawtte chu electoral roll-a inziaklut vek tur leh vote thlak ngaipawimawh turin a chah.
2. Naktuk Republic Day lawm turin Mizoramah inbuatsaihna peihfel a ni .
3. BJP Mizoram chuan vawiin khan Sairang - Kawnpui - Sethawn inkar (NH-306 & 06) Kawngpui siam mek chu a hmunah an tlawh.



NATIONAL VOTER'S DAY

Ramchhung hmun dangte rualin vawiin khan National Voters' Day tum 15-na chu Mizoram District hrang hrangah hman a ni.

VC

National Voters' Day hi kum 2011 atang khan Election Commission of India din champhaphak hriat reng nan kum tin hman thin a ni a, kumin thupui atan Vote thlak tluk a awm lo, vote ka thlak ngei dawn (Nothing like Voting, I vote for sure) thlan a ni. Kum sawmpariat tling tawh te vote nei tura infuihna leh kum naupang lam 'young voters' ten vote an thlak ve nana infuihna tharna atan he hun hi hman thin a ni.

National Voters Day hi State huapa lawmna pui ber chu Assembly Conference Hall-ah neih a ni a, Larsap Gen Rtd (Dr) Vijay Kumar Singh an National Voters' Day pual thuchah a sawi bakah vote nei tharte hnenah EPIC a hlan a, Aizawl District chhunga Booth Level Officer hnathawk tha zualte hnenah BLO Award a hlan nghal bawk.

Larsap chuan Mizoram mipui vote nei thei tawh phawtte chu electoral roll-a inziaklut vek tur leh vote thlak ngaipawimawh tura sawmin, vote hmanga Sawrkar inrelbawlana tel tum theuh turin a chah a ni.

Lunglei DC Conference Hall-ah DEO Navneet Mann, Lunglei District Bawrsap hovin hman a ni a, Lunglei DEO chuan kal khawmte mahni ai aw hthlang thei tura vote neite chuan vote thlak chu an chanvo leh mawhphurhna a ni, a ti. Village council leh local council inthlan lo awm tur chu mipui rorelna bulthut a nih angin

District mipuite chu vote thlak theuh turin a sawm.

Champhai Circuit House Conference Hall-ah National Voters' Day 2025 chu Champhai Bawrsap Pu VL Remliana hovin hman a ni a, Champhai Bawrsap chuan Inthlanna reng rengah mipui ten an aiawh tur an thlang a ni tih hre rengin, an mimal duhamna dah tha chungah vote thlak an ngaih pawimawh a tul a ni a ti.

Saitualah DC Conference Hallah, National Voters' Day 2025 lawmna hun hman a ni a, vote nei thar 8 te hnenah EPIC hlan nghal a ni. District Election Officer, District Bawrsap ni bawk, Dr. Lalngura Tlau chuan Ram tam takah chuan hmeichhia te chuan vote nei turin kum tam tak an bei thin tih sawiin, India ramah chuan hmeichhia te leh rualbanlo te pawhin vote an thlak thei a, inthliar hranna awm miah loa tu pawhin vote an nei thei chu a hlu hle a ni, a ti.

Lawngtlai-ah pawh National Voters Day, 2005 hi hman a ni a, DEO Cheemala Siva Gopal Reddy chuan he hun hi a hmanpui a, Pu Cheemala Siva Gopal Reddy India Danpuiin inthliarna awm miahlo a duhthlanna chanvo angkhat a pek ngai hlu a, thahnem ngai taka vote thlak fo thin turin kalkhawmte leh Lawngtlai district mipuite a sawm nghal.

Hnahthial ah chuan Election Officer, Pi Esther Leihang Bawrsap hovin hman a ni a, mahni dikna leh chanvo hriat a pawimawh thu leh mahni mawhpurhna hlen tel a ngaih thu Bawrsap chuan a sawi, tun Village Council inthlanpui lo awm turah pawh hian vote thlak vek turin kalkhawm zawng zawngte chu a sawm nghal a ni.

He hunah hian National Voters' Day pual thutiam sawirual a ni a EPIC leh BLO Award sem a ni bawk. Kumin January ni 6 a Final Electoral Roll tlangzarh takin a tarlan dan chuan Mizoramah vote nei mi 8,69,813 an awm a. Heng zinga 4,20,888 te hi mipa niin, hmeichhia 4,48,925 an awm a ni.

<><><>

AGRI MINISTER

Agriculture Minister Pu PC Vanlalruata chuan Indian Council Of Agriculture Resource hnuai National Bureau Of Agriculture Insect Resources hotute chu Mizorama lo neituten harsatna an tawh thin Sawhthing tam leh Serthlum bawmtu leh eichhetu rannung Thlangdar zirchiang turin a sawm.

Bangalore-a International Trade Fair neih mek hmanpui tura kal Pu Vanlalruata hian, Mizoram harsatna tawh te sawiin, Mizoram Sorkarin vaimin eichhetu rannung (Fall Army Worm) ti rem tura Mizorama a rawih NBOAR hotute hian an ngaihvenin, chona phurawm takah an ngaia, hun remchang hmasa bera Mizoram loneitute harsatna zirchiang tura lo kal ngei an tum thu Minister hi an hrilh a ni.

Minister hian National Bureau Of Agriculture Resources hotute hi Khuai khawi chungchang sawipuiin, Mizoramah Khuai mi zuk thei lo (Stingless Bee) khawi pun dan tur leh a nursery siama eizawna tlaka kalpui theihna tur Project tha tak duanga Mizoram Sorkar nen thawh dun dan tur a sawipui bawk a ni.

Agriculture Minister Pu PC Vanlalruata hian ni ni thum awh International Trade Fair, Bangalore a neih chu a hmanpui a, he hunah hian Organic (Chemical Fertilizer tello) thlai hmanga ei tur chi hrang hrang siam chhuahte phochhuah a nih bakah Buhtun (Millet) chawilarna tur campaign neih a ni bawk.

(CORR)

<><><>

R DAY

Naktuk Republic Day lawmin turin Mizoramah inbuatsaihna peihfel a ni a, Pathiannia a tlak avangin Mizoram-ah chuan zing dar 7.30 ah District hrang hrang-ah lawm tura ruahman a ni a, Aizawl-ah chuan Lamualah zing Dar 7:30 ah Governor Gen. VK Singh hoin hman a ni ang.

VC

Lammuala Republic Day lawmnaah hian Larsap chuan India hnam puanzar a pawh parh hnuah parade contingent-te a endik ang a, Republic Day thuchah a sawi hnuah National leh State Award leh lawmman dangte a sem ang. Chawhnu dar 12::30 ah Governor chenna Raj Bhavan-ah sawm bikte tan thingpui ruai buatsaih a ni dawn bawk.

Republic Day lawmna hi Akashvani Radio, Doordarshan Kendra (DDK) Aizawl, Zonet leh LPS-ah te Live a tihchhuah a ni dawn a, an youtube channel theuhah an pe chhuak bawk ang. Republic Day lawmna-ah hian a duh apiang tan tel theih a ni a. Republic Day pual hian zing ni chhuah atangin sorkar building hrang hrangah hnam puanzar zar a ni ang.

(PR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar hi puan leh a ni ang.

(Corr)

<><><>

BJP

BJP Mizoram chuan vawiin khan Sairang - Kawnpui - Sethawn inkar (NH-306 & 06) Kawngpui siam mek chu a hmunah an tlawh a. He hunah hian BJP, Mizoram State President Pu Vanlalhmuaka leh Dr K. Beichhua, MLA State Core Group Member leh State Media Convener leh hruaitu dang an tel a ni.

Pu Vanlalhmuaka chuan, Mizoram chakkhai lakna ber kawngpui siam kawngah Mizoram Sorkar leh NHIDCL te in mawhpuh kual mai mai lovin, Mizoram kawngpui pawimawh ber chu anei tu tak tak State Sorkar in kawngpui pawimawh thatna turin Monitoring Committee din se, hnathawh dan vil tu tur leh uluk taka enfiah tur Committee din ngei se a ti a, chutiang taka an ngaihsak chuan kawngpui hi chu a tha ngei ngei dawn a ni a ti.

Pu VanlalHmuaka sawi danin, National Highway 4 lane Vairengte to Sairang Road hi Kum 2020 ah Central sorkar in kawng siam phalsakin, kum hnih chhung a zo thei turin a lo approve tawh a. Nimahsela Mizoram Sorkar leh NHIDCL te inkarah Forest Clearance chungchang leh Compensation chungchangah harsatna a awm avangin hna tan theih ani ta lova, Mizoram chakkhai lakna pawimawh ber chu a chhe ta hle a, kum tin state pum a buai phah ta bawk a ni a ti. Mizoram Sorkar hian 4 lane siam anih theih na tur hian chak takin hma la sela, BJP Mizoram pawhin atheih na apiangah puih a inhuam bawk a ti.

Dr K Beichhua MLA pawhin thusawiin, inkalpawhna kawng pangngai piahlahmah ei leh bar lakluhna bul ber kawngpui tha lo leh thal lai pawh a, Truck lian khalhtute nawrh ngai khawp a ngaihsak loh ani chu State Sorkar mawhpurhna a ni a ti a, tuna kawngpui thawm that dan en hi chuan fur pui thlen hma a kawng an hnawhna hi a chhiat leh hman a hlauhawm hle a, Mizoram Sorkar hian hetiang lo deuh a kawngpui hi thawm that hna thawk turin a ngen tih a sawi a, he kawngpui chhe lai bik siam na tur atana sum an dah cheng vbc 1 leh nuai 25 hian rintlaka kawngpui hi a siam theih dawn loh avangin, Mizoram Sorkar hian ngaihtuahna seng nawn leh tur leh kawng daih rei zawk , fur harsat zual lai thleng tala tha tur a kawng siamna tur sum MPWD te ruahman sak se a ti a ni.

Dr K Beichhua chuan, Mizoram chaklakna kawngpui hian chawkawng Cancer Stage avei mek a, tuna kawng an thawmthat dan en hi chuan nachhawka inpek ang chauh niin, reilo te ah hei aia nasa a natna chhuak leh thei ang ani ati bawk.

NH-306 & 06 siam mek chungchanga kan corr report lo ngaihtla ang.

(Andrew Kolasib PTC)

<><><>